

ԿԱՆՈՆՆԵՐ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՅՈՑ ՁՈՐԻ ՄԱՐԶԻ ԱՐԵՆԻ ՀԱՄԱՅՆՔԻ
ՎԱՐՉԱԿԱՆ ՏԱՐԱԾՔՈՒՄ ՏԵԽՆԻԿԱԿԱՆ ԵՎ ՀԱՏՈՒԿ ՆՇԱՆԱԿՈՒԹՅԱՆ
ՀՐԱԿԱՌՈՒԹՅԱՆ ԻՐԱԿԱՆԱՑՄԱՆ ԹՈՒՅԼ ԱՏՐԵԼԻ ՎԱՅՐԵՐԻՆ, ՊԱՅԱՆՁՆԵՐԻՆ
ԵՎ ՊԱՅՄԱՆՆԵՐԻՆ ՆԵՐԿԱՅԱՑԿՈՂ ՊԱՅԱՆՁՆԵՐԻ ՎԵՐԱԲԵՐՅԱԼ**

1. Տեխնիկական և հատուկ նշանակության հրավառություն թույլատրվում է իրականացնել Հայաստանի Հանրապետության ՎՁՄ Արենի համայնքի Արենի բնակավայրի կենտրոնական հրապարակի տարածքում, Խաչիկ բնակավայրի մշակույթի տան հարակից տարածքում, Չիվա բնակավայրի կենտրոնական տարածքում, Ելփին բնակավայրի մշակույթի տան հարակից տարածքում, Ռինդ բնակավայրի մշակույթի տան հարակից տարածքում, Արփի բնակավայրի գյուղամեջի կենտրոնական հրապարակում, Աղավնաձոր բնակավայրի եկեղեցու հարակից կենտրոնական մասում, Գնիշիկ բնակավայրում՝ կենտրոնական հատվածում և Ագարակաձոր բնակավայրի մշակույթի տան հարակից տարածքում:

2. Տեխնիկական և հատուկ նշանակության հրագործական արտադրատեսակների օգտագործումը չի թույլատրվում ցանկացած տիպի շենքերում, շինություններում, կառույցներում, պայթուցահրդեհավտանգ օբյեկտների տարածքներում, գազատար և նավթատար խողովակաշարերի, ինչպես նաև բարձր լարման էլեկտրահաղորդալարերի մոտակա տարածքներում, տանիքներում, պատշգամբներում, բեմահարթակներում, մարզադաշտերում և այլ մարզական կառույցներում, կամուրջների վրա, ճամփաբաժանների, տրանսպորտային մայրուղիներում, երկաթգծի հանգույցներում, ինչպես նաև միտինգների, քայլերթերի և ցույցերի ժամանակ:

3. Տեխնիկական և հատուկ նշանակության հրավառության անցկացնելու վայրում չպետք է լինեն ծառեր, խոտի դեղեր, էլեկտրահաղորդման լարեր և այլ օղային արգելքներ:

4. Տեխնիկական և հատուկ նշանակության հրավառության անցկացնելու վայրի չափերը պետք է համապատասխանեն հրագործական արտադրատեսակների վրա նշված վտանգավոր տարածքի մաքսիմալ չափերին:

5. Տեխնիկական և հատուկ նշանակության հրավառություն իրականացնելը պահանջում է հատուկ գիտելիքներ և հմտություն, կատարողների (օգտագործողների) համապատասխան որակավորում և (կամ) տեխնիկական սարքավորումների օրենքով սահմանված պայմանների ապահովում:

6. Չի թույլատրվում տեխնիկական և հատուկ նշանակության հրավառության անցկացումը ուժեղ քամու և անձրևի պայմաններում:

7. Չի թույլատրվում հրագործական արտադրատեսակների օգտագործումը 18 տարեկանը չլրացած անձանց կողմից:

8. Չի թույլատրվում ծխել հրագործական արտադրատեսակների մոտ:

9. Տեխնիկական և հատուկ նշանակության հրավառության թույլատրելի ժամ սահմանել մինչև 23:00-ն:

10. Արենի համայնքի վարչական տարածքում տեխնիկական և հատուկ նշանակության հրավառություն իրականացնելու թույլտվության համար օրացուցային տարվա համար տեղական տուրքը սահմանել 100000 /մեկ հարյուր հազար/ դրամ:

ԱՇԽԱՏԱԿԱԶՄԻ ՔԱՐՏՈՒՂԱՐ՝

Գ. ՄԻՄՈՆՅԱՆ